



梁 东(北京)

和沈鹏兄《秋晚闲吟》十三首(录十)

落叶

云飞当出岫,叶落总归根。
不计飘零甚,漫言天地分。

秋阳

策杖行千里,归来说九秋。
黄花犹未落,我有匹夫忧。

银杏

小苦微甘意,秋来夸嫩黄。
千年荫故国,万世寿而康。

月季

日月纷红紫,嫣然动古今。
西风庭院起,惜缺岁寒心。

梧桐

嘉木排云立,不风条自吟。
虚心谁得见,叶肃也成荫。

白杨

高天舒直干,只待万锺藏。
苍蔚苍生志,岂嫌道里长。

枫

湛湛临江水,灿然向北风。
年年如约放,不是夕阳红。

蟋蟀

金风传太息,心向幼时移。
促织吟秋调,今朝耳畔稀。

蝉

清音承晓露,侧耳倩谁听。
流响飞难远,秋来绕户庭。

雨

秋肃芳菲尽,周天自混茫。
怡然春草梦,细雨润南窗。

黄海燕(浙江·杭州)



点绛唇·马路天使

热逼三秋，江南依旧愁蒸烤。漫
山枯槁，遍野游人少。火样情
怀，酣战长安道。骄阳里，汗飞流耀，
化作霓虹俏。

高怀柱(山东·莘县)

建筑工

铁架登天步步高，红旗插到日边飘。
农家汉子多神勇，托起新城上九霄。

彭 瑛(湖南·湘潭)

与李可成、陈拥军先生重游空灵岸

灵岩生绝岸，江阁势如悬。
鸟向人前语，花从眼下燃。
凭栏观振石，倚壁掬清泉。
适意同伛啸，英游信宿缘。

宋彩霞(北京)

蝶恋花·读聂绀弩《赠梅》

容我孤山藏几尺，小鹊惊飞，一
树伤心白。枯槁无形关塞隔，人情输
与窗儿黑。但见苍茫风瑟瑟，十里
春云，唤醒梅花笛。未许长天欺病客，
月昏水浅相思得。

傅 瑜(浙江·云和)

赠《仙华诗社》——

写在全省诗教工作会议上

水秀山明飞彩霞，浓浓诗意闹仙华。
吟旌猎猎筑新梦，也造江南第一家。

潇潇春雨润心田，朵朵诗花分外妍。
桃李芳菲开不败，校园一派艳阳天。

翁寒春(广东·深圳)

和林峰会长壬辰岁晚四章(录一)

遥遥故里数冰花，岁末冬寒竹影斜。
远客有思春信美，高台无忘月光华。
红尘策马难催笔，青鬓粘霜但顾家。
徒恨千山奔作嶂，满笺心事入云霞。

杨学军(江苏·宿迁)

贺《中华军旅诗词》创刊

战将雄文品自珍，漫听大漠起狂音。
开篇有韵三番唱，索句无师百度吟。
常系铮铮强国梦，未移灼灼爱民心。
新刊一册书香在，虎哨门前是竹林。

王晓春(四川·遂宁)

鹧鸪天·放鸭翁

喜听雏儿戏水声，鹅黄银白最
关情。方圆一担挑肩上，布阵排兵掠
岸行。勤放养，爱追萍，餐风露宿
苦经营。忽闻来信评三好，老眼昏花

亦泪盈。

蝶恋花·初夏农家

溪水叮咚青一坝，闲坐中庭，犁具高高挂。桃李无言莺自话，花猫爬上葡萄架。新月一弯辉碧瓦，缕缕清风，味比栀花雅。薄酒青蔬情不寡，邻翁谈笑农桑稼。

李树先(北京)

王冠丽老师应邀参加北京海淀区诗词吟诵学会成立暨端午诗会演出

高贤盛会动边遐，啸起风骚映瑞霞。吹奏新声凭远客，吟哦大雅忆长沙。求凰一曲文君喜，焚稿千愁妃子嗟。雷震花妍休见怪，玉笙天籁誉京华。

胡定生(浙江·乐清)

仁德兄端阳前莅乐采风感作

仆仆风尘南浙行，雁山景物逗诗情。知君自有生花笔，落月词锋互纵横。

黄佳祖(广西·浦北)

玉楼春·赞环卫工人与美丽浦北

三更提帚朝朝早，扫净全城天未晓。满腔热血涤污尘，十里长街红日照。山环水绕楼亭俏，烂漫江花迎客笑。骚朋墨友赋佳篇，共赞蕉乡

新面貌。

徐儒宗(浙江·杭州)

西湖诗社壬辰重阳社课

壬辰重阳前二日，西湖诗社雅集于白乐人家细水长流茶庄，社课以“桂子月中落，天香云外飘”任选一字为韵，余乃检“香”字以勉成之

忽报重阳近，清游兴更扬。
犹存桂子影，恰遇菊花香。
细水长流趣，新诗高咏狂。
愧予才已尽，难敌众华章。

端阳怀屈子

举世昏昏独出群，忠言见谤志难伸。悲歌《哀郢》空忧国，痛赋《怀沙》枉溺身。秦氏六师终灭楚，楚人一炬竟亡秦。争雄蜗角今何在？惟看龙舟吊逐臣。

余汉武(河南·望城)

小龙年元旦答四方友人问候

湖光遥映读书楼，福慧人生宜自修。日满金樽浮绿蚁，情倾秃笔答青眸。催眉画在山中觅，放胆诗从劫后收。不让六朝风景异，笺香四溢远沉浮。

鹧鸪天·小龙年元旦画后答友人

十载潜踪把墨磨，磨人岁月是非多。囊羞妻子常横眼，才尽江郎未举



戈。 抓紧干,不能拖,苦头呷点
算什么。成功都在辛劳里,也学山阴
换白鹅。

李庆端(浙江·杭州)

次韵老熊《春思》

蛇来龙往岁更新,冰雪消融又复春。
坎坷人生当笑对,管他晓月与黄昏。

颜仁禧(江苏·高邮)

庆贺扬州建成全国诗词之市

歌吹是扬州,从来数一流。
春风十里路,明月二分秋。
全国诗乡建,两区吟兴遒。
先行推郑老,接力展新猷。

注:郑正,原扬州市副市长、邗江老县长,
为诗教出钱出力、呕心沥血、迄未稍懈。

金持衡(上海)

贺《中华诗教》改版

弘扬国粹乐芳时,素质提高雨露滋。
西子尘香容啸傲,之江梅笛好栖迟。
情怀激荡同甘苦,意气纵横共护持。
开放春风花盛发,烟霞满目咏新辞。

孔汝煌(浙江·杭州)

雪筠孙女高考如愿为赋新荷句勉旃

新莲次第出笼葱,舒卷高低映碧空。
翠盖缘承同泽雨,明妆始应入时风。
长持自洁亭亭立,不待人夸楚楚红。
雾锁云开总相守,炎阳素月柳塘东。

酬龙祥兄致电遥寄新茶并慰眼疾

耐得惊雷细雨寒,相求同气气如兰。
三千里路传情厚,片片向人青眼看。

徐弘道(浙江·杭州)

恭贺周退密吟丈期颐之寿

南雁飞传介寿笺,为呈百岁老人前。
聪明耳目真惊客,雄健诗书莫比肩。
已跨中西双学界,定留名迹万斯年。
小楼又喜阳和至,八椀清茶气浩然。
注:卢仝七椀,此言八椀。一椀替一盞,盞
音近载,八盞至茶寿矣!

敬和叶元章吟丈《九十述怀》原韵 是为上寿

九秩诗翁逸兴飞,秋深红叶送晴晖。
蝇头灯下书新句,蛩尾窗前悟化机。
世路行经平亦仄,人言笑判是耶非。
楼高百尺多闲适,待祝期颐大布衣。
注:此首作于2011年。

